

Benny Nisbet:

ARUBA LO HAYA BALANCE POLITICO DEN GOBERNACION

ORANJESTAD(AAN)—Sr. Benny Nisbet tambe tabata tin elogio pa e carera unico como ambtenaar di Sr. John Booi, cual carera a finaliza como secretario di territorio insular di Aruba.

Sr. Nisbet a repasa e notulen di e reunion den cual Sr. Booi na 1965 a ser nombra como secretario di territorio insular.

Esaki a ser trata den reunion di parlamento 13 di april 1965.

Gezaghebber e tempo ey a nombra un stembureau consistiendo di Sres. Jose Geerman q.e.p.d. y Sr. Frans Figaroa y Sr. Max Croes. Sr. John Booi a ser eligi como e prome secretario di territorio insular di Aruba e dia ey.

Mas remarcable pa Sr. Nisbet den e notulennan tabata e discurso cortico y elocuente di Sr. John Booi e dia ey. El a cita un frase di e discurso di 20 aña pasa cu Sr. Nisbet ta haya ta tipifica e mentalidad positivo di Sr. John Booi.

Sr. John Booi a bisa e anochi ey cu como Arubano e ta "altamente agradecido y orgulloso, no pa mi persona, pero e nombramento awe noch pami ta un señal di esfuerzo di pueblo pa manda su yunan cu beca den exterior poco poco ta cuminsa duna fruta. Mi no ta duda cu e dia lo yega cu Aruba lo tin su tecniconan den ramonan gubernamental, docternan,

ingenieronan, maestronan etc. hombernan capaz pa resolve problemanan den nos comunidad".

Esaki ta un frase cu a refieha cu na prome lugar Sr. John Booi a mira e proceso cu a cuminsa e tempo ey pa manda yunan di tera pa exterior y pa nan por bini back y ocupa posiconnan den comunidad pa resolve problemanan na bienestar y progreso di comunidad Arubano, Sr. Nisbet a laga sa.

El a encera su mes na palabranan di bon bini den arena politico cu a er expresa anteriormente na sr. Booi cu a bira presidente di e partido nobo ADN. El a laga sa cu na Aruba awor sigur lo haya

un balanza politico ariba tereno di gobernacion cu ta significa gobernacion a base di compromiso.

Compromiso entre diferente partido politico cu tin diferente principio

pero tur cu un solo meta y esey ta progreso y bienestar di comunidad Arubano.

El a gradici Sr. Booi y su familia finalmente pa tur esakinan.

OTRO SIMAN SENTENCIA PA MARIA Y MYRIAM

ORANJESTAD(AAN)—Ayeramainta pa di tanto bez, e acusadanan Maria y Myriam a aparece dilanti di Juez den tratamiento di nan caso, cu a wordo posponi na varios ocasion anteriormente, manera a wordo publica anteriormente.

Ultimamente Juez Comisario kier a scucha e verbalisantenan personalmente, esta personal di douane na aeropuerto.

Esaki a socede y ambos acusada a wordo confronta cu loke a bini acerca den e declaracionnan. Pero Fiscal no a introduci cambio den su exigencia anterior, mustrandone otro cu segun su opinion, no a bini nada nobo acerca. Y cu por bini cambio den su requisitorio ora bini cu algo mas nobo. Loke a bini dilanti na su parecer no a kita nada de lo anterior. E exigencia tabata 6 aña pa Maria y 4 pa Myriam.

Manera ya ta conoci, Miram a bini cu e tas den cual cocaina a wordo descubri y atardi Maria tambe a wordo deteni sospecha di tabata sabi

di e cocaina cu a wordo haya den e tas. E defensor ayeramainta pa parti di Maria a mostra cu no tin rastro cu oor papia di posesion o presencia di droga cerca su cliente. E ta bisa di tabata tin un reparti-

cion conciente di tarea y cu e papel cu su cliente a desplega tabata di haci Myriam pasa cu e droga, pero e no tabata complice.

Segun por spera, otro siman sentencia lo wordo dicta.

AGENCIA ARUBANO DI NOTICIA

DIARIO

Bankers:
Aruba Bank Ltd.
Caribbean Mercantile Bank
FACTURA DI ABONEMENT PA
SR/SRA/SRTA

02 05270

FEB.	MAR.	APR.	MAY	TOTAL DI E CUENTA

SI BO TIN RECLAMO Ariba ENTREGA OF COBRANZA, POR FAVOR YAMA NOS INMEDIATAMENTE.

RECIBI		
FECHA	SUMA	PAR.

SEMPER WARDAR E ULTIMO RECIBO PA CONTROL

Esaki ta recibo di cobranza di DIARIO. Ayera atrobe a drenta varios keho na redaccion di DIARIO di un of otro persona cu lo ta cobrando abonadonan cu recibonan cu no ta di DIARIO. E recibonan di DIARIO cual e abonadonan ta ricibi na momento di pago di nan cuenta mensual ta manera esun aki riba, riba cual recibo ta mira tambe nomber di banconan. Cada factura di abonnement ta bini cu nomber di e abonado, y e cifranan di e cuentanan cu mester ser paga. E recibo aki ta locual e abonado ta ricibi, y su otro parti ta copia cu ta keda pa oficina di DIARIO.



THE WAREHOUSE SUPERM.

WERFSTRAAT 7
TEL: 32843

Panoord di Ritz

Ta anuncia YEGADA di 2 CONTAINER for di HULANDA cu e RECONOCI y di MIHOR marca di Hulanda: ALBERT HEIJN.

Di A. HEIJN nos tin e.o.

BROUWERS BIER
BRONWATER
JUICE
SOPPI di BLEKI y PAKKI
CHIPS, SNACK, WOKKELS etc.
BUSCUCHE
AROS
SLA y ZONNEBLOEMOLIE
COMPACT LUIERS (Bruki)
DWEIL, STOFDOEK, VAATDOEK
HOND & KATTEN VOER



Di otro MARCA nos NO tin:

GROLSCH BEUGEL y BLEKI
HEINEKEN OUD BRUIN
SPA CITROEN
SMELIK TOMPOEZEN
SMITH'S CHIPS
CALVE BORRELNOUTJES
STUDENTENHAVER Duyvis
ORYZA ZILVERRIJST
BECAL KOFFIEMELK(Botter)
FRIESCHE VLAG " "
BECAL DIET OLIE " "

Tambe nos tin un surtido grandi di PRODUCTONAN di DIET !